

Na osnovu člana 16. stav 4. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 82. sjednici, održanoj 11.10.2012. godine, d o n o s i

ZAKLJUČAK

I

Prihvataju se stavovi Radne grupe formirane Zaključkom Vlade broj: 02-02-18904/12 od 27.08.2012. godine u vezi korigovanja predloženog Nacrta Zakona o izmjenama i dopunama Zakona o nabavljanju, držanju i nošenju oružja i municije u skladu sa diskusijom vođenom na 76. sjednici Vlade.

II

Zaključak stupa na snagu danom donošenja.

Broj: 02-_____/12.

Datum, 11.10.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo unutrašnjih poslova,

1x a/a.

Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na ____ sjednici održanoj dana __.__. 2012. godine, d o n o s i

**ZAKON O IZMJENAMA I DOPUNAMA
ZAKONA O NABAVLJANJU, DRŽANJU I NOŠENJU ORUŽJA I MUNICIJE**

**Član 1.
(Dopuna člana 1.)**

U Zakonu o nabavljanju, držanju i nošenju oružja i municije („Službene novine Zeničko-dobojskog kantona“, broj: 19/09 i 4/11) u članu 1. stav (2) iza riječi „Obavještajno-sigurnosne agencije Bosne i Hercegovine“ dodaje se zarez i sljedeće riječi: „pripadnike Oružanih snaga Bosne i Hercegovine“.

**Član 2.
(Izmjene i dopune člana 6.)**

(1) U članu 6. stav (1) iza tačke p), tačka se zamjenjuje zarezom i dodaju nove tačke koje glase:

„r) oružje s repetirajućim mehanizmom je oružje kod kojeg je nakon ispaljivanja svakog metka potrebno ručno pomoću mehanizma ubaciti metak u cijev,

s) dugocijevno vatreno oružje je oružje kod kojeg je cijev duža od 30cm ili je njegova ukupna dužina veća od 60 cm,

t) oružje s tetivom su lukovi, samostreli i druge naprave koje snagom napete tetive ili druge elastične materije pritiskuju strijelu ili drugi projektil,

u) oružje za jedinačnu paljbu je oružje bez spremnika (magacina), koje svaki put prije ispaljivanja metka puni ručno ubacivanjem metka u ležište cijevi ili ležište punjenja koje se nalazi na kraju cijevi,

v) dekorativno oružje je oružje koje je izrađeno u dekorativne svrhe i nije ga moguće upotrijebiti ili prepraviti u vatreno oružje,

z) oružje za signalizaciju su pištolji, revolveri, puške i druge naprave koje pod pritiskom energije barutnog punjenja ispaljuju naboj namjenjen isključivo za izazivanje glasnog pucnja ili ispaljivanju svjetleće signalne zvjezdice,

aa) imitacija oružja su predmeti koji su vanjskim izgledom slični ili jednaki oružju, ali ih nije moguće upotrijebiti niti prepraviti u vatreno oružje,

bb) optički nišan je naprava kojom se oružju povećava preciznost,

cc) lažna municija je municija bez zrna oštrog ili ubojitog zrna kojim se postiže efekat pucanja,

dd) električni paralizatori su ručne naprave koje privremeno onesposobljavaju lice pomoću visokog električnog napona,

ee) mužari-prangije su ručne ili samostojeće naprave namjenjene za izazivanje glasnog pucanja, koje su konstruisane tako da ne mogu primiti cjeloviti naboj, pune se s usta cijevi određenom količinom crnog baruta i pale štapinom, kremenom i kapislom, a zatvaraju sredstvom male specifične težine,

ff) reprodukcija oružja su kopije dugog i kratkog vatrene oružja koje se pune s usta cijevi crnim barutom i pale fitiljom, kremenom ili kapislom,

gg) registracija oružja je unos podataka o oružju i vlasniku, odnosno korisniku oružja u službene evidencije propisane ovim Zakonom, kao i propisima donijetim na osnovu ovog Zakona, uz izdavanje odgovarajuće isprave,

hh) korisnici lovišta su pravna lica koja su na osnovu odredbi Zakona o lovstvu Federacije Bosne i Hercegovine dobili lovište na gospodarenje (lovačka udruženja, privredna društva šumarstva, te ostala pravna lica registrirana za bavljenje lovstvom),

ii) civilno strelište je objekat namjenjen sportsko-rekreativnom gađanju koji ispunjava tehničke i sigurnosne uslove za upotrebu registrovanog ili prijavljenog oružja,

jj) onesposobljavanje vatrenog oružja je onesposobljavanje svih bitnih dijelova oružja na način da njihovim uklanjanjem, zamjenom ili izmjenom ne može biti omogućeno njegovo osposobljavanje,

kk) prenošenje oružja je premještanje oružja za koje je izdan oružni list s jednog mjesta na drugo,

ll) promet oružja i municije je nabavljanje oružja ili municije radi prodaje, smještaj i čuvanje oružja i municije u svrhu prodaje, te njegova prodaja na malo i veliko u Federaciji Bosne i Hercegovine,

mm) popravljavanje oružja je otklanjanje kvarova na oružju i zamjena ili ugradnja originalnih dijelova,

nn) prepravljavanje oružja je prilagođavanje oružja drugoj municiji, zamjena ili ugradnja bitnih dijelova oružja i drugi zahvati na oružju kojima se utječe na njegovo funkcioniranje ili tehnička svojstva“.

(2) Iza stava (1) dodaje se novi stav (2) koji glasi:

„(2) U smislu ovog zakona oružjem se ne smatra: dekorativno oružje; imitacije oružja; oružje koje je trajno onesposobljeno za upotrebu tehničkim postupcima koji su određeni posebnim propisima ili su priznati od strane nadležnog organa; oružje koje je namijenjeno za alarmiranje, spašavanje života; podvodne puške i drugi predmeti koji snagom opruge, napete gume ili sabijenog plina izbacuju osti ili harpun koji su isključivo namijenjeni ribolovu; oružje koje se koristi u industrijske ili tehničke svrhe pod uvjetom da može biti korišteno u samo za to navedene svrhe; municija za vazdušno oružje; municija za oružje s tetivom i lažna municija.“

Član 3.

Iza člana 6. dodaju se članovi 6a. i 6b. koji glase:

„Član 6a. (Kategorizacija oružja)

Oružje se prema ovom zakonu razvrstava u četiri kategorije i to:

Kategorija A:

- 1) vojni projektili s eksplozivnim punjenjem, lanseri i bacači,
- 2) automatsko vatreno oružje,
- 3) vatreno oružje koje je kamuflirano tako da izgleda kao neki drugi predmet,
- 4) municija s probojnim, eksplozivnim, obilježavajućim i zapaljivim projektilima, te projektili za takvu municiju,
- 5) municija za pištolje i revolvere sa projektilom koji ima ekspanzijski učinak i projektili za takvu municiju osim municije za lov ili sportsko streljaštvo za lica kojima je dozvoljeno da koriste to oružje,
- 6) minsko-eksplozivna sredstva i dijelovi,
- 7) oružje koje je izrađeno ili prerađeno bez odobrenja za promet oružja, osim oružja iz kategorije C alineja 3),
- 8) poluautomatsko vatreno oružje za civilnu upotrebu, koje po svom autentičnom izgledu odgovara automatskom oružju,
- 9) oružje bez označene marke, kalibra i fabričkog broja,

- 10)oružje sa integralnim prigušivačem, prigušivači namijenjeni oružju, dijelovi za prigušivače i ostala posebna oprema za oružje izrađena za posebne namjene,
- 11)ostalo vatreno oružje koje nije obuhvaćeno kategorijama B, C ili D.

Kategorija B:

- 1) poluautomatsko ili repetirajuće kratkocijevno vatreno oružje,
- 2) kratkocijevno oružje za jedinačnu paljbu sa središnjim paljenjem,
- 3) kratkocijevno oružje za jedinačnu paljbu s rubnim paljenjem,
- 4) lovačko oružje u skladu sa Zakonom o lovstvu Federacije Bosne i Hercegovine,
- 5) poluautomatsko dugocijevno vatreno oružje s magacinom i ležištem za najviše tri metka kod kojeg se magacin, odnosno opruga za punjenje može skinuti, odnosno nije sigurno da li je oružje napravljeno tako da se uz obični alat može prepraviti u oružje s magacinom i ležištem za više od tri metka,
- 6) repetirajuće i poluautomatsko dugocijevno vatreno oružje s glatkom cijevi ukupne dužine do 60 cm,
- 7) repetirajuće dugocijevno vatreno oružje koje nije obuhvaćeno u alineji 6),
- 8) dugocijevno oružje za jedinačnu paljbu s jednom ili više užlijebljenih cijevi,
- 9) dugocijevno oružje za jedinačnu paljbu s jednom ili više glatkih cijevi,
- 10)poluautomatsko dugocijevno vatreno oružje koje nije obuhvaćeno alinejama od 4) do 7),
- 11)staro i trofejno oružje.

Kategorija C:

- 1) gasno ili plinsko oružje,
- 2) reprodukcije vatrenog oružja kod kojih se ne upotrebljava jedinstveni naboj,
- 3) mužari ili prangije,
- 4) oružje za uspavlivanje životinja.

Kategorija D:

- 1) vazdušno oružje,
- 2) električni paralizatori,
- 3) raspršivači (u daljnjem tekstu: „sprejevi za omamljivanje“),
- 4) oružje s tetivom,
- 5) hladno oružje“.

Član 6b. (Ograničenja)

(1) Oružje iz člana 6a. ovog zakona se u pogledu prava i obaveza vlasnika oružja razvrstava u:

a) Zabranjeno oružje:

- 1) oružje kategorije A,
- 2) hladno oružje kojem je osnovna namjena napad ili nanošenje ozljeda i
- 3) hladno oružje kada se nosi na javnim mjestima;

b) Dozvoljeno oružje za koje je potrebno prethodno odobrenje od nadležne policijske stanice:

- 1) oružje kategorije B;

c) Dozvoljeno oružje za koje je potrebna prijava nadležnoj policijskoj stanici:

- 1) oružje kategorije C,
- 2) vazdušno oružje,
- 3) električni paralizatori i

4) sprejevi za omamljivanje;

d) Dozvoljeno oružje za koje nije potrebno odobrenje niti prijava nadležnoj policijskoj stanici:

1) oružje s tetivom,

2) hladno oružje, osim hladnog oružja navedenog u tački a) alineja 2) i 3) ovog stava.

(2) Zabranjeno je nabavljanje, držanje i nošenje oružja kategorije A, osim ako ovim zakonom nije drugačije predviđeno.

(3) Zabranjeno je nabavljanje, držanje i nošenje oružja kategorije B bez odgovarajuće isprave o oružju.

(4) Zabranjeno je držanje ili nošenje oružja kategorije C, vazdušnog oružja, električnih paralizatora i sprejeva za omamljivanje iz kategorije D bez odgovarajuće potvrde o prijavi oružja.

(5) Oružje kategorije C i D mogu nabavljati, držati i nositi samo lica starija od 18 godina.

Član 4.

Član 8. mijenja se i glasi:

„Član 8. (Opći i posebni uslovi za izdavanje odobrenja za nabavljanje oružja fizičkom licu)

(1) Nadležna policijska stanica izdat će fizičkom licu odobrenje za nabavljanje oružja ukoliko ispunjava opće i posebne uslove.

(2) Opći uslovi za izdavanje odobrenja za nabavljanje oružja su:

a) da je lice navršilo 21 godinu života,

b) da ima opravdani razlog za nabavljanje oružja,

c) da lice nije osuđivano za krivično djelo, odnosno da se protiv lica ne vodi istraga ili krivični postupak, osim za krivična djela protiv bezbjednosti javnog saobraćaja,

d) da u posljednje dvije godine lice nije kažnjeno za prekršaj protiv javnog reda i mira sa elementima nasilja: učestvovanje u tuči, zlostavljanje ili fizički napad na drugog; izazivanje tuče, zlostavljanja ili fizičkog napada na drugog; narušavanje javnog reda i mira naročito drskim ponašanjem; ugrožavanje sigurnosti; izazivanje osjećaja ugroženosti druge osobe, prijetnjom da će napasti na život ili tijelo; pucanje iz vatrenog oružja; odnosno za prekršaj propisan ovim zakonom ili za prekršaj sa elementima nasilja propisan drugim zakonom, kao i za vrijeme dok se protiv tog lica vodi postupak za takve prekršaje,

e) da ne postoje okolnosti kao što je češće i prekomjerno uživanje alkohola, narkotičkih ili drugih omamljujućih sredstava, poremećeni porodični, susjedski odnosi, sukobi s okolinom, agresivno i ekscesno ponašanje, te drugi poremećaji u ponašanju, disciplinske povrede propisa o lovstvu ili sportskom streljaštvu i druge okolnosti koje ukazuju da bi oružje moglo biti zloupotrebjeno.

(3) Posebni uslovi za izdavanje odobrenja za nabavljanje oružja su:

a) da je lice zdravstveno sposobno za držanje i nošenje oružja,

b) da raspolaže tehničkim znanjem i vještinom za pravilno rukovanje oružjem i da poznaje propise koji se odnose na držanje i nošenje oružja,

c) da ima uslove za siguran smještaj i čuvanje oružja.

(4) Izuzetno, od stava (2) tačka a) ovog člana, odobrenje za nabavljanje ličnog oružja može se izdati licima iz člana 1. stav (2) ovog zakona sa navršениh 18 godina života i licima koja su prema posebnim propisima ovlaštena držati i nositi oružje, članovima sportskih streljačkih organizacija koji se aktivno natječu u streljaštvu i licima sa položenim lovačkim ispitom, kao i

zaposlenicima agencija za zaštitu ljudi i imovine i pravnih lica sa organizovanom unutrašnjom službom za zaštitu ljudi i imovine na poslovima fizičke zaštite ili poslovima odgovornog lica“.

Član 5.

Član 9. mijenja se i glasi:

„Član 9.

(Utvrđivanje uslova za izdavanje odobrenja za nabavljanje vatrenog oružja fizičkom licu)

(1) Opravdani razlog iz člana 8. stav (2) tačka b) za nabavljanje i držanje vatrenog oružja kategorije B ima fizičko lice ukoliko se ocjeni da je njegova lična i/ili sigurnost članova njegove uže porodice ugrožena ili bi mogla biti ugrožena u tolikoj mjeri da mu za takvo osiguranje treba oružje i/ili ukoliko zbog naravi posla ili okolnosti pod kojima ga obavlja postoji potreba za nabavljanjem takve vrste oružja.

(2) Fizičko lice ima opravdani razlog za nabavljanje lovačkog oružja ukoliko je član lovačke organizacije i ukoliko ima položen lovački ispit, što se dokazuje uvjerenjem lovačke organizacije čiji je član.

(3) Fizičko lice ima opravdani razlog za nabavljanje lovačkog oružja ako mu je to oružje potrebno za zaštitu imovine u ličnoj svojini, što se dokazuje uvjerenjem nadležnog organa da je lice registrovano kao poljoprivrednik.

(4) Fizičko lice ima opravdan razlog za nabavljanje sportskog oružja ukoliko je član sportske streljačke organizacije, što se dokazuje uvjerenjem sportske streljačke organizacije čiji je član.

(5) Nadležna policijska stanica utvrdit će da li ispunjeni uslovi iz člana 8. stav (2) tačka c) i d) ovog zakona.

(6) Postojanje uslova iz člana 8. stav (2) tačka e) cijeni nadležna policijska stanica na osnovu činjenica sadržanih u službenoj zabilješci koju policijski službenik sastavlja nakon izvršenog traženja i prikupljanja podataka i obavijesti od građana, nadležnih organa, ustanova i institucija.

(7) Ukoliko lice podnosi zahtjev za nabavljanje lovačkog i/ili sportskog oružja, postojanje činjenica o disciplinskim povredama iz člana 8. stav (2) tačka e) podnosilac zahtjeva dokazuje potvrdom koju izdaje lovačka organizacija i/ili sportska streljačka organizacija čiji je član.

(8) Postojanje uslova iz člana 8. stav (3) tačka b) dokazuje se potvrdom Komisije Ministarstva koja vrši osposobljavanje lica za pravilno rukovanje vatrenim oružjem i poznavanje propisa koji se odnose na nabavljanje, držanje i nošenje oružja.

(9) Uslov iz člana 8. stav 3. tačka c) nadležna policijska stanica cijeni na osnovu ovjerene izjave podnosioca zahtjeva.

(10) Podnosilac zahtjeva uvjerenja i potvrde kojim dokazuje činjenice iz stava (2), (3), (4), (7) i (9) ovog člana prilaže uz zahtjev za izdavanje odobrenja radi nabavljanja oružja.

(11) Lice koje je jednom položilo ispit o osposobljenosti pravilnim rukovanjem vatrenim oružjem i poznavanju propisa koji se odnose na nabavljanje, držanje i nošenje oružja, ne može se više upućivati na takvu provjeru znanja.

(12) Lice koje je položilo lovački ispit ne može se upućivati na obuku iz stava (8) ovog člana i provjeru znanja iz člana 9c. stav (1) tačka a) ovog zakona.

(13) Komisiju iz stava (8) ovog člana posebno za svaku policijsku upravu imenuje policijski komesar“.

Član 6.

Iza člana 9. dodaju se članovi 9a., 9b. i 9c. koji glase:

„Član 9a.

(Dostavljanje dokaza o ispunjavanju posebnih uslova i poznavanje propisa koji se odnose na nabavljanje, držanje i nošenje oružja)

Od podnosioca zahtjeva za kojeg se utvrdi da ispunjava opće uslove iz člana 8. stav (2) ovog zakona, nadležna policijska stanica će zatražiti da u roku od 30 dana dostavi dokaze o ispunjavanju posebnih uslova iz člana 8. stav (3) tačka a) i b) ovog zakona.

Član 9b.

(Dokazi o zdravstvenoj sposobnosti za nabavljanje, držanje i nošenje oružja)

(1) Postojanje uslova iz člana 8. stav (3) tačka a) podnosilac zahtjeva dokazuje uvjerenjem o zdravstvenoj sposobnosti.

(2) Uvjerenje o zdravstvenoj sposobnosti za nabavljanje, držanje i nošenje oružja i municije izdaju ovlaštene zdravstvene ustanove sa liste koju utvrđuje Ministarstvo zdravstva Zeničko-dobojskog kantona po mjestu prebivališta fizičkog lica, u kojem se o podobnosti podnosioca zahtjeva za nabavljanje, držanje i nošenje oružja navode pojedinačna i zaključno mišljenje članova zdravstvene komisije u sastavu ljekara oftamološke, neurološke, psihijatrijske i psihologijske specijalnosti i ljekara specijaliste medicine rada.

(3) Uvjerenje o zdravstvenoj sposobnosti iz stava (2) ovog člana ne može biti starije od šest mjeseci od dana izdavanja.

Član 9c.

(Dokazi o tehničkom znanju za pravilno rukovanje oružjem i poznavanju propisa koji se odnose na nabavljanje, držanje i nošenje oružja)

(1) Ispunjavanje uslova iz člana 8. stav (3) tačka b) ovog zakona podnosilac zahtjeva dokazuje:

a) za oružje kategorije B – potvrdom o osposobljenosti za pravilno rukovanje, držanje i nošenje oružja koju izdaje Komisija za ocjenu osposobljenosti za pravilno rukovanje, držanje i nošenje oružja, koju na prijedlog policijskog komesara imenuje ministar Ministarstva.

b) izuzetno, postojanje uslova iz člana 8. stav (3) tačka b) ovog zakona, lica iz člana 1. stav (2) ovog zakona za vrijeme aktivne službe ili nakon odlaska u penziju, dokazuju potvrdom o zaposlenju, odnosno o prestanku radnog odnosa zbog ispunjavanja uslova za penziju, a lica koja su zaposlenici u stalnom radnom odnosu agencija za zaštitu ljudi i imovine i pravnih lica sa organizovanom unutrašnjom službom za zaštitu koji rade na poslovima fizičke zaštite ili poslovima odgovornog lica, dokazuju potvrdom o zaposlenju.

(2) Potvrda o zaposlenju iz stava (1) tačka b) ovog člana ne može biti starija od šest mjeseci od dana izdavanja.

(3) Program obuke, sastav, način rada, osposobljavanja i ocjene osposobljenosti za rukovanje vatrenim oružjem, te troškove rada komisija iz stava (1) tačka a) ovog člana i člana 9. stav (8) ovog zakona na prijedlog policijskog komesara donosi i utvrđuje ministar Ministarstva“.

Član 7.

Član 10. mijenja se i glasi:

„Član 10.

(Odobrenje za nabavljanje oružja fizičkom licu)

(1) Nadležna policijska stanica izdat će odobrenje fizičkom licu za nabavljanje oružja kategorije B, ukoliko ispunjava opće i posebne uslove iz člana 8. ovog zakona.

(2) Ukoliko fizičko lice ne ispunjava jedan od uslova za nabavljanje oružja propisanih ovim zakonom, nadležna policijska stanica odbit će zahtjev za izdavanje odobrenja.

(3) Fizičkom licu odobrenje za nabavljanje lovačkog oružja može se izdati samo ako je položilo lovački ispit i član je lovačke organizacije.

(4) Izuzetno od odredbe stava (3) ovog člana, odobrenje za nabavljanje lovačkog oružja može se izdati fizičkom licu kome je držanje i nošenje takvog oružja neophodno radi zaštite imovine u ličnoj svojini (stada, usjev i sl.) koje je registrovano kao poljoprivrednik, kao i streljačkim organizacijama radi upražnjavanja streljačkog sporta.

(5) Odobrenje za nabavljanje sportskog oružja, za koje je po ovom zakonu potrebno odobrenje, izdaje se samo streljačkim organizacijama i njihovim članovima.

(6) Odobrenje za nabavljanje oružja važi šest mjeseci od dana uručenja.

(7) Dijelovi za oružje iz stava (1) ovog člana sa označenim fabričkim brojem nabavljaju se na osnovu odobrenja nadležne policijske stanice, i to samo za oružje za koje je izdat oružni list, odnosno odobrenje za držanje oružja, a za podnosioca takvog zahtjeva nije potrebno utvrđivati uslove za nabavljanje oružja iz člana 8. stav (2) i (3) ovog zakona.

(8) Zamijenjene tehnički ispravne dijelove oružja iz stava (1) ovog člana, vlasnik oružja je dužan uz ličnu izjavu datu na zapisnik predati nadležnoj policijskoj stanici radi uništenja, koja će o tome izdati potvrdu, a postupak uništenja provest će komisija iz člana 39. ovog zakona.

(9) Oružje i dijelove za oružje može nabaviti samo lice na čije ime odobrenje glasi“.

Član 8.

Član 11. mijenja se i glasi:

„Član 11.

(Odobrenje za nabavljanje oružja pravnom licu)

(1) Nadležna policijska stanica izdat će pravnom licu odobrenje za nabavljanje oružja kategorije B ukoliko ispunjava sljedeće uslove:

a) da pravno lice ima opravdan razlog za nabavljanje oružja,

b) da odgovorno lice i lice zaduženo za sigurnost u pravnom licu ispunjava opće i posebne uslove iz člana 8. ovog zakona, izuzev uslova iz stava (3) tačke c) tog člana.

c) da pravno lice ispunjava uslove iz člana 8. stav (3) tačka c) ovog zakona.

(2) Opravdani razlog za nabavljanje oružja ima pravno lice koje je kod nadležnog suda registrovano za obavljanje djelatnosti uzgoja, držanja, čuvanja ili zaštite životinja; upravljanje i gazdovanje šumama; sportskog streljaštva; vođenja civilnih strelišta; naučnog istraživanja za koje je potrebno oružje; muzeji; agencije za zaštitu ljudi i imovine; pravna lica koja imaju uspostavljenu unutrašnju službu zaštite u skladu sa važećim propisima, kao i korisnici lovišta.

(3) Pravna lica iz stava (2) ovog člana, osim agencije za zaštitu ljudi i imovine i pravnog lica koje ima organizovanu unutrašnju službu zaštite, može nabaviti oružje čiji broj zavisi od potrebe i broja zaposlenih lica koja imaju potrebu za korištenje oružja.

(4) Nadležna policijska stanica odbit će zahtjev za izdavanje odobrenja za nabavljanje oružja pravnom licu ako ne ispunjava jedan od uslova za nabavljanje oružja propisanih ovim zakonom.“

Član 9.

Iza člana 11. dodaje se član 11a. koji glasi:

„Član 11a. (Odobrenje za nabavljanje municije fizičkom i pravnom licu)

(1) Odobrenje za nabavljanje municije može se izdati samo za oružje za koje je fizičkom i pravnom licu izdat oružni list, odnosno odobrenje za držanje oružja.

(2) Odobrenje za nabavljanje municije važi šest mjeseci od dana izdavanja, a može se izdati jedanput u toku kalendarske godine za količinu sadržanu u originalnim pakovanjima a najviše 60 komada, izuzev agencija za zaštitu ljudi i imovine, lovačkih i streljačkih organizacija i drugih pravnih lica radi obavljanja njihove djelatnosti kojima se odobrenje za nabavljanje municije može izdati za količinu koja je potrebna za njihovu djelatnost, odnosno aktivnost.

(3) Odobrenje za nabavljanje municije koje nije iskorišteno u roku od šest mjeseci fizičko i pravno lice obavezno je vratiti organu koji ga je izdao u roku od osam dana od dana isteka roka važenja.

(4) Izuzetno, municija se može nabaviti bez odobrenja u slučaju:

- a) za puške sa neolučenim cijevima na osnovu oružnog lista i odobrenja za držanje oružja i
- b) za oružje kategorije C i vazdušno oružje iz kategorije D na osnovu potvrde o prijavi“.

Član 10. (Izmjene i dopune člana 12.)

(1) U članu 12. stav (1) tekst iza riječi „oružja“ se briše i dodaju sljedeće riječi „kategorije B nadležna policijska stanica fizičkom licu izdaje oružni list“.

(2) Stav (3) se briše.

(3) U stavu (4) iza riječi „listovi“ dodaju se sljedeće riječi „i potvrde o prijavi“.

(4) Dosadašnji stavovi (4), (5), (6), (7), (8), (9), (10) i (11) postaju stavovi (3), (4), (5), (6), (7), (8), (9) i (10).

(5) U stavu (6) riječ „streljačko“ zamjenjuje se riječju „sportsko“.

(6) U stavu (7) riječ „(7)“ zamjenjuje se riječju „(6)“.

(7) U stavu (10) riječ „(9)“ zamjenjuje se riječju „(8)“.

Član 11.

Član 13. mijenja se i glasi:

„Član 13. (Žalba)

(1) Protiv rješenja nadležne policijske stanice o odbijanju zahtjeva za izdavanje odobrenja za nabavljanje oružja licima iz člana 10. i 11. ovog zakona, podnosilac zahtjeva može izjaviti žalbu policijskom komesaru u roku od 15 dana od dana prijema rješenja.

(2) Rješenje policijskog komesara je konačno i protiv rješenja po žalbi se ne može voditi upravni spor.“

Član 12.

Član 14. mijenja se i glasi:

„Član 14. (Trofejno oružje)

(1) Nadležna policijska stanica, izdat će odobrenje za držanje trofejnog oružja fizičkom licu koje ispunjava opće i posebne uslove propisane članom 8. ovog zakona.

(2) Nadležna policijska stanica izdat će odobrenje za držanje trofejnog oružja pravnom licu koje ispunjava uslove propisane članom 11. ovog zakona.

(3) Fizičko i pravno lice iz stava (1) i (2) ovog člana uz zahtjev za nabavljanje trofejnog oružja prilažu potvrdu da je oružje od strane ovlaštenog pravnog lica ili obrtnika za popravljanje ili prepravljanje oružja prepravljeno u trofejno oružje.

(4) Vatreno oružje koje je onesposobljeno za upotrebu ne smije se osposobljavati, osim u slučaju iz stava (6) ovog člana.

(5) Trofejno oružje može se prenijeti u vlasništvo drugom licu koje posjeduje odobrenje za držanje trofejnog oružja.

(6) U slučaju iz stava (5) ovog člana kada se radi o oružju koje je dozvoljeno nabavljati po ovom zakonu, lice na koga je trofejno oružje preneseno u vlasništvo može isto registrovati kao ispravno oružje ako posjeduje odobrenje za nabavljanje te vrste oružja i potvrdu iz stava (3) ovog člana i da se za njega može izdati oružni list ili odobrenje za držanje oružja.

(7) Zabranjeno je nositi i upotrebljavati trofejno oružje i za ovo oružje nabavljati i držati municiju.

(8) Odobrenje za držanje trofejnog oružja izdaje sa trajnim rokom važenja.“

Član 13.

Član 15. mijenja se i glasi:

„Član 15. (Staro oružje)

(1) Nadležna policijska stanica, izdat će odobrenje za sakupljanje i držanje starog oružja fizičkom licu koje ispunjava opće i posebne uslove propisane članom 8. ovog zakona.

(2) Nadležna policijska stanica izdat će odobrenje za sakupljanje i držanje starog oružja pravnom licu koje ispunjava uslove propisane članom 11. ovog zakona.

(3) Zabranjeno je osposobljavati za upotrebu, upotrebljavati staro oružje i za ovo oružje nabavljati i držati municiju.

(4) Lice koje sakupi staro oružje, dužno je isto prijaviti nadležnoj policijskoj stanici u roku od osam dana od dana sakupljanja, i uz prijavu dostaviti dokaz da je oružje trajno onesposobljeno.

(5) Oružje koje se drži na temelju odobrenja iz stava (1) i (2) ovog člana, može se prodati ili predati licima kojima je izdato odobrenje za sakupljanje i držanje starog oružja.

(6) Izuzetno, muzeji uz staro oružje mogu sakupljati i oružje kategorije A koje se više ne izrađuje ili koje ne upotrebljavaju oružane i policijske snage, pod uslovom da je trajno onesposobljeno.

(7) Odobrenje za sakupljanje i držanje starog oružja izdaje se s trajnim rokom važenja.

(8) Nadležna policijska stanica vodi evidenciju o prijavljenom starom oružju, a o vođenju evidencije i njenom sadržaju bliže propise na prijedlog policijskog komesara donosi ministar Ministarstva.“

Član 14.

Član 16. mijenja se i glasi:

„Član 16.

(Oružje sa obavezom prijavljivanja nadležnoj policijskoj stanici)

(1) Vazdušno oružje, dijelovi za vazdušno oružje i oružje s tetivom mogu nabavljati i držati samo sportske streljačke organizacije i njihovi članovi.

(2) Fizička i pravna lica mogu bez odobrenja nabavljati i držati oružje kategorije C, električne paralizatore i sprejeve za omamljivanje.

(3) Fizička i pravna lica koja nabave oružje iz stava (1) i (2) ovog člana, dužna su, osim oružja s tetivom, isto prijaviti nadležnoj policijskoj stanici u roku od osam dana od dana nabavljanja i uz prijavu dostaviti dokaz o porijeklu oružja.

(4) Električni paralizatori i sprejevi za omamljivanje iz kategorije D, upotrebljavaju se samo za samoodbranu i na način da se time ne ugrožava sigurnost drugih lica.

(5) Oružje za uspavljivanje životinja iz kategorije C, dijelovi za takvo oružje, može nabaviti samo pravno i fizičko lice koje ima registrovanu djelatnost za uzgoj, držanje, čuvanje ili zaštitu životinja.

(6) Za prijavljeno oružje iz stava (1) i (2) ovog člana nadležna policijska stanica izdaje potvrdu o prijavi oružja koja o tome vodi odgovarajuću evidenciju.

(7) Zamijenjene tehnički ispravne dijelove vazdušnog oružja i oružja za uspavljivanje životinja, vlasnik oružja je dužan uz ličnu izjavu datu na zapisnik predati nadležnoj policijskoj stanici radi uništenja, koja će o tome izdati potvrdu, a postupak uništenja provest će komisija iz člana 39. ovog zakona“.

Član 15.

Član 18. mijenja se i glasi:

„Član 18.

(Odobrenje za držanje oružja pravnom licu)

(1) Za držanje oružja kategorije B nadležna policijska stanica na zahtjev pravnog lica iz člana 11. stav (2) ovog zakona izdaje odobrenje za držanje oružja.

(2) Rukovanje i korištenje oružja pravno lice povjerit će samo punoljetnom licu koje ispunjava opće i posebne uslove propisane članom 8. stav (2) tačka b), c), d) i e) i stav (3) tačka a) i b) ovog zakona.

(3) Izdavanje odobrenja za držanje oružja ne može se odbiti licu iz stava (1) ovog člana osim u slučajevima predviđenim ovim zakonom.

(4) Agencijama za zaštitu ljudi i imovine, pravnim licima sa organizovanom unutrašnjom službom za zaštitu ljudi i imovine, i korisnicima lovišta, nadležna policijska stanica izdat će odobrenje za nabavku i držanje oružja i municije samo ako su organizovane u skladu sa

Zakonom o agencijama i unutrašnjim službama za zaštitu ljudi i imovine („Službene novine Federacije Bosne i Hercegovine“, broj 78/08) i Zakonom o lovstvu („Službene novine Federacije BiH“, broj: 4/06 i 8/10), a drugom pravnom licu iz člana 11. stav (2) ovog Zakona samo ako je organizovano u skladu sa važećim propisima.

(5) Pravno lice iz stava (1) ovog člana dužno je voditi evidencije o nabavljenom oružju propisane ovim zakonom“.

Član 16. (Izmjene i dopune člana 22.)

(1) U članu 22. stav (1) mijenja se i glasi:

„(1) Fizičko i pravno lice može prenijeti pravo vlasništva na oružje drugom licu pod uslovima predviđenim ovim zakonom“.

(2) U stavu (3) riječ “odnosno” se briše, iza riječi „oružja“ dodaje se zarez i sljedeće riječi “potvrdu o prijavi oružja, primjerak ugovora iz stava (2) ovog člana i“, riječ „priložiti“ se briše, a iza riječi „vlasništva“ dodaje se zarez i sljedeće riječi „ako je za nabavljanje takvog oružja potrebno odobrenje u skladu sa odredbama ovog zakona“.

(3) U stavu (4) riječi “kojem je izdato odobrenje za držanje i nošenje oružja” se brišu, riječ „vazdušno“ zamjenjuje se riječju „sportsko“.

Član 17. (Izmjene i dopune člana 23.)

(1) Naziv člana 23. se mijenja i glasi “Oduzimanje odobrenja za nabavljanje oružja”.

(2) U stavu (1) iza riječi “tačka a)” dodaju se riječi “i c), odnosno člana 11. stav (1)”.

(3) U stavu (2) iza riječi “list” dodaju se riječi “i odobrenje za držanje oružja”, iza riječi “izdavati” dodaju se riječi “za oružje za koje se ne može dokazati porijeklo; koje je tehnički neispravno, a nije onesposobljeno, kao i u slučaju ako”, a iza riječi “tačka a)” dodaju se riječi “i c), odnosno člana 11. stav (1)”.

Član 18. (Izmjene i dopune člana 28.)

(1) U nazivu člana 28. iza riječi “poslugu” dodaju se riječi “i upotrebu”.

(2) Stav (2) mijenja se i glasi:

“(2) Lovačko i sportsko oružje mogu se davati na poslugu licu koje ima oružni list ili potvrdu o prijavi za vrstu oružja koje se daje na poslugu.”

(3) Iza stava (2) dodaje se novi stav (3) koji glasi:

„(3) Izuzetno od stava (2) ovog člana, vazdušno oružje i oružje s tetivom mogu se dati na upotrebu licima koja nisu članovi streljačkih organizacija i djeci starijoj od 11 godina na sportskim streljštima i na drugim mjestima određenim i uređenim za vježbe gađanja pod nadzorom trenera koji ispunjava opće i posebne uslove iz člana 8. stav (2) tačke b), c), d) i e) i stav (3) tačka a) i b) ovog zakona i uslove propisane posebnim propisom o sportu.“

Član 19. (Izmjene i dopune člana 32.)

(1) U članu 32. iza stava (1) dodaje se novi stav (2) koji glasi:

“(2) Fizičko lice uvijek može predati nadležnoj policijskoj stanici oružje, municiju i isprave o oružju ako ga ne želi više držati i nositi iz bilo kojeg razloga.”

(2) Dosadašnji stavovi (2) i (3) postaju stavovi (3) i (4).

(3) U stavu (3) iza riječi „iz stava (1)“, dodaju se riječi „i (2)“.

(4) U stavu (4) riječi „Streljački savez Kantona, te ga distribuirati drugim streljačkim ili lovačkim organizacijama koje su registrovane na području kantona“ zamjenjuju se riječima „nadležna policijska stanica, s kojim će se postupiti u skladu sa članom 39. ovog zakona.“

Član 20. (Izmjene i dopune člana 37.)

U članu 37. stav (1) iza riječi “tačka a)” dodaju se riječi “i c)”, a riječ “člana 11. stav (2)” zamjenjuje se riječima “člana 11. stav (1)”, a riječi “stav (8)” zamjenjuju se riječima “stav (7)”.

Član 21. (Izmjene i dopune člana 39.)

(1) U članu 39. stav (1) iza riječi “municije” dodaje se zarez i sljedeće riječi “oružnog lista, odobrenja za držanje oružja i potvrde o prijavi u svim slučajevima predviđeni ovim zakonom” dok se sljedeći dio teksta briše “i oružnog lista, odnosno odobrenja za držanje oružja na osnovu člana 12. stav (8), člana 36. stav (1) i (2) i člana 37. ovog zakona”.

(2) U stavu (2) iza riječi “municiju i” dodaju se sljedeće riječi “isprave iz stava (1) ovog člana” dok se sljedeći dio teksta briše “i oružni list, odnosno odobrenje za držanje trofejnog oružja”.

(3) Iza stava (2) dodaju se novi stavovi (3) i (4) koji glase:

“(3) Izvršno rješenje nadležne policijske stanice o oduzimanju oružja i municije, izvršava policijski službenik Ministarstva, bez donošenja zaključka o dozvoli izvršenja”.

“(4) U slučaju da vlasnik vatrenog oružja ne preda oružje i municiju policijskom službeniku iz stava (3) ovog člana, nadležna policijska stanica protiv istog podnijet će izvještaj o počinjenom krivičnom djelu zbog nelegalnog držanja i nošenja oružja i municije”.

(4) Dosadašnji stavovi (3), (4), (5) i (6) postaju stavovi (5), (6), (7) i (8).

(5) U stavu (8) riječ „(5)“ zamjenjuje se riječju „(7)“.

Član 22.

Član 40. mijenja se glasi:

„Član 40. (Promet oružjem i municijom na malo)

(1) Prometom oružja kategorije B, C i D, dijelova za oružje i municije mogu se baviti pravno lice i obrtnik, koji prije upisa u sudski registar odnosno registar radnji, za to dobiju odobrenje nadležne policijske stanice.

(2) Odobrenje iz stava (1) ovog člana nadležna policijska stanica će izdati:

a) ako su ispunjeni prostorni i tehnički uslovi za smještaj i čuvanje kojima se obezbjeđuje da oružje, dijelovi za oružje i municija ne dođu u posjed neovlaštenih lica i ne ugroze bezbjednost ljudi i objekata,

b) ako lice koje neposredno rukuje oružjem, dijelovima za oružje i municijom u pravnom licu, odnosno obrtnik, ispunjava uslove propisane članom 8. stav (2) tačka b), c), d) i e) i stav (3) tačka a) i b) ovog zakona,

c) da ima pravo vlasništva ili pravo korištenja poslovnog prostora u kojem će se obavljati promet oružja i municije.

(3) Za promet oružja, dijelova za oružje i municije između pravnih lica, odnosno obrtnika potrebno je posebno odobrenje nadležne policijske stanice, koje se izdaje u formi rješenja na zahtjev kupca, za svaku ugovorenu količinu.

(4) Zahtjev za izdavanje odobrenja iz stava (3) ovog člana sadrži: naziv i adresu prodavca i kupca; vrstu i količinu oružja, dijelova za oružje i municije; naziv i adresu proizvođača.

(5) Nadležna policijska stanica oduzet će odobrenje iz stava (2) ovog člana ako pravno lice i obrtnik, odnosno lice koje neposredno rukuje oružjem, dijelovima za oružje i municijom u pravnom licu i vlasnik obrta, prestanu ispunjavati jedan od uslova iz stava (2) ovog člana.

(6) Uslove iz stava (2) tačka a) i c) ovog člana utvrđuje posebna komisija koju imenuje rukovodilac nadležne policijske stanice."

Član 23. (Izmjene i dopune člana 42.)

(1) U članu 42. stav (1) iza riječi „municije“ dodaju se sljedeće riječi „ako je po ovom zakonu za nabavljanje takvog oružja i municije potrebno odobrenje.“

(2) U stavu (3) tekst iza riječi "može" se briše i dodaju sljedeće riječi „prodavati municiju pod uslovima iz člana 11a. stav (4) ovog zakona.“

Član 24. (Izmjene i dopune člana 45.)

(1) U članu 45. stav (1) tekst iza riječi „obrnik“ se briše, a dodaju se sljedeće riječi "koje prije upisa u sudski registar, odnosno registar radnji ili drugi registar, za to dobiju odobrenje nadležne policijske stanice".

(2) Stav (2) mijenja se i glasi:

"(2) Nadležna policijska stanica izdat će odobrenje iz stava (1) ovog člana pravnom licu i obrtniku koji ispunjava uslove iz člana 40. ovog zakona. O svakoj izvršenoj prepravci pravno lice i obrtnik obavijestit će u roku od 48 sati u pismenoj formi nadležnu policijsku stanicu".

(3) U stavu (3) iza riječi "stav (3)" dodaju se riječi „tačka a) i b)".

Član 25. (Izmjene i dopune člana 49.)

(1) U nazivu člana 49. riječi „oružnog lista“ zamjenjuju se riječima „isprava o oružju“.

(2) U stavu (1) riječi „oružni list“ zamjenjuju se riječima „isprave o oružju“, riječi „kao i“ brišu se, a umjesto tačke stavlja se zarez i dodaju sljedeće riječi „kao i ostalo oružje iz člana 6a. koje lice nabavi, drži i nosi protivno odredbama ovog zakona.“

(3) Iza stava (1) dodaje se novi stav (2) koji glasi:

"(2) Lice iz stava (1) ovog člana dužno je policijskom službeniku odmah predati oružje, municiju, dijelove za oružje i isprave o oružju, i prije okončanja upravnog, prekršajnog i krivičnog postupka."

(3) Dosadašnji stav (2) postaje stav (3).

(4) U stavu (3) iza riječi "stavu (1)" dodaju se riječi „i (2)".

Član 26. (Izmjene i dopune člana 54.)

(1) U članu 54. stav (1) tačke a) i b) mijenjaju se i glase:

„a) nabavi, drži ili nosi hladno oružje (član 6b. stav (1) tačka a) alineja 2) i 3)).“

„b) postupi protivno odredbama člana 16. ovog zakona.“

(2) U tački d) riječ "i" zamjenjuje se zarezom a iza riječi "(4)" dodaju se riječi "i (5)."

(3) U stavu (3) iza riječi "list" dodaje se zarez i sljedeće riječi "odobrenje za sakupljanje starog oružja i potvrda o prijavi oružja."

Član 27. (Izmjene i dopune člana 55.)

(1) U članu 55. stav (1) u tački a) riječi u zagradi se mijenjaju i glase „(član 10. stav (8) i član 16. stav (7))“.

(2) U tački d) riječi „oružje za signalizaciju i“ se brišu.

(3) U tački h) iza riječi „vatrenog“ dodaju se riječi „i sportskog.“

(4) U tački i) riječ „vazdušnom“ zamjenjuje se riječju „sportskom.“

(5) Iza tačke r), tačka se zamjenjuje zarezom i dodaju nove tačke s) i t) koje glase:

„s) da na poslugu sportsko oružje licu koje nema oružni list ili potvrdu o prijavi za vrstu oružja koje se daje na poslugu (član 28. stav (2)).“

t) policijskom službeniku ne preda oružje, municiju, dijelove za oružje i isprave o oružju (član 49. stav (2)).“

(6) U stavu (2) iza riječi „k)“ umjesto riječi „i“ dodaje se zarez, a iza riječi „q)“ dodaju se riječi „i s)“.

(7) U stavu (3) riječ „odnosno“ briše se a iza riječi „oružja“ dodaju se sljedeće riječi: „i potvrda o prijavi oružja.“

Član 28. (Izmjene i dopune člana 56.)

(1) U članu 56. stav (1) u tački b) riječi „(član 18. stav (2))“ zamjenjuju se riječima „(član 18. stav (5)).“

(2) Iza tačke b) dodaje se nova tačka c) koja glasi:

„c) U propisanom roku ne obavijesti nadležnu policijsku stanicu o zamjeni vatrenog i sportskog oružja (član 21. stav (2)).“

(3) Dosadašnje tačke c) i d) postaju tačke d) i e).

(4) Iza tačke e) dodaje se nova tačka f) koja glasi:

„f) postupi protivno odredbama člana 27. stav (5) ovog zakona.“

(5) Dosadašnje tačke e), f), g), h), i), j), k), l), m), n), o), p), q), r) postaju tačke g), h), i), j), k), l), m), n), o), p), r), s), t), u).

(6) U dosadašnjoj tački c) iza riječi „vatrenog“ dodaju se sljedeće riječi „i sportskog.“

(7) U dosadašnjoj tački d) u zagradi iza tačke dodaju se riječi „stav (3).“

(8) Iza tačke u) dodaje se nova tačka v) koja glasi:

„v) postupi protivno odredbama člana 18. stav (2).“

(9) Stav (4) mijenja se i glasi:

„(4) Pored novčane kazne, za prekršaj iz stava (1) tačke a), d), e), j), l), n), s) i u) i stava (2) tačke b) i e) ovog člana izreći će se i zaštitna mjera oduzimanja predmeta, a za prekršaje iz stava (1) tačke m), t), r), s) i v) i stava (2) tačke a), b) i c), izreći će se i zaštitna mjera zabrane vršenja djelatnosti do šest mjeseci.“

Član 29. (Izmjene i dopune člana 58.)

(1) U članu 58. stav (1) tačka a) tekst u zagradi se mijenja i glasi "(član 7.; član 14.; član 15.; član 16.; član 12. stav (7); član 18. stav (5); član 32.; 36.; 37.; 38. i član 39. stav (1); član 12. stav (9); član 17. stav (4); član 19. stav (1); član 31.; član 44.; član 50. stav (1) i (2))".

(2) U tački b) tekst u zagradi se mijenja i glasi "(član 9c. stav (3))".

Član 30. (Izmjene člana 59.)

(1) U članu 59. stav (1) riječ "tri" zamjenjuje se riječju "četiri".

(2) U stavu (2) riječ "(7)" zamjenjuje se riječju "(6)".

(3) U stavu (3) riječ "(8)" zamjenjuje se riječju "(7)".

Član 31. (Izmjene člana 60.)

U članu 60. stav (2) riječi "8., 9. i 11." zamjenjuju se riječima "8. i 10."

Član 32. (Usklađivanje djelatnosti i stupanje na snagu)

(1) Pravno lice i obrtnik iz člana 40. i 45. ovog zakona koji na dan stupanja na snagu ovog zakona obavlja djelatnost prometa oružja, dijelova za oružje i municije, odnosno popravljanja i prepravljanja oružja, dužno je svoje poslovanje uskladiti sa odredbama ovog zakona u roku od šest mjeseci od dana stupanja na snagu ovog zakona.

(2) Listu zdravstvenih ustanova iz člana 9b. stav (2) Ministarstvo zdravstva Zeničko-dobojskog kantona će utvrditi u roku od 30 dana od dana stupanja na snagu ovog zakona.

(3) Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o nabavljanju, držanju i nošenju oružja i municije.

(4) Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

**Broj:
Datum,
Zenica**

**PREDSJEDAJUĆI
SRETKO RADIŠIĆ**

OBRAZLOŽENJE

I – PRAVNI OSNOV

Izmjene i dopune Zakona o nabavljanju, držanju i nošenju oružja i municije Zeničko-dobojskog kantona („Službene novine Zeničko-dobojskog kantona“, broj: 19/09 i 4/11) se vrše na osnovu člana 37. stav (1) tačka f) Ustava Zeničko-dobojskog kantona.

II – PRAVNA RJEŠENJA

Predložene izmjene i dopune Zakona o nabavljanju, držanju i nošenju oružja i municije („Službene novine Zeničko-dobojskog kantona“, broj: 19/09 i 4/11) rezultat su potrebe usklađivanja zakona sa međunarodnim aktima i Odlukom Vijeća ministara Bosne i Hercegovine, a što se prevashodno ogleda u uvođenju kategorizacije oružja i međunarodno prihvaćenih definicija pojmova vezanih za oružje. Pored toga iz Odluke Vijeća ministara BiH proizilazi i obaveza usaglašavanja ovog zakona sa drugim propisima iz ove oblasti u entitetima, kantonima i Brčko distriktu BiH. Izmjenama i dopunama zakona se takođe želi postići i funkcionalnija primjena predmetnog zakona u praksi uvažavajući manjkavosti uočene u njegovoj primjeni kao i regulisanju situacija i okolnosti koje nisu bile obuhvaćene važećim zakonom.

Pojedine izmjene i dopune zakona vrše se iz sljedećih razloga:

- Predložena dopuna u članu 1. zakona, se odnosi na pripadnike oružanih snaga kojom će otkloniti daljnje nejasnoće i probleme koji su se pojavljivali u praksi pred nadležnim policijskim stanicama. Naime, navedena kategorija lica po odredbama zakona koji se mijenja morao je proći obuku s ciljem sticanja tehničkog znanja i vještine za pravilno rukovanje oružjem i poznavanja propisa koji se odnose na držanje i nošenje oružja, što nije bilo logično za osobe koje prilikom obavljanja službenih poslova i zadataka duže i nose vatreno oružje. Ovom dopunom oni više nemaju obavezu vršenja obuke odnosno polaganja ispita prilikom podnošenja zahtjeva za nabavku ličnog vatrene oružja.
- Izmjene i dopune u članovima 6., 6a. i 6b. su predložene iz razloga obaveze usklađivanja sa međunarodnim aktima i to: Direktivom 91/477/EEZ Vijeća Evropske unije o kontroli nabavke i posjedovanja oružja, Direktivom 2008/51/EZ Evropskog parlamenta i Vijeća o izmjeni i dopuni Direktive 91/477/EEZ, UN Konvencijom o borbi protiv transnacionalnog organizovanog kriminala, Protokolom protiv nezakonite proizvodnje trgovanja vatrene oružjem, njegovim dijelovima, komponentama i municijom, koji dopunjava Konvenciju UN o borbi protiv transnacionalnog organizovanog kriminala. Ovu obavezu nametnulo je i Vijeće ministara svojom Odlukom o obavezi međusobnog usklađivanja entitetskih, kantonalnih i Brčko distrikta Bosne i Hercegovine propisa o oružju i njihovom usklađivanju sa međunarodnim aktima, koja je objavljena u („Službenom glasniku BiH“, broj: 57/09). Dopune predložene u članu 6. stav (2) su navedene iz razloga preciznijeg definisanja što se ne smatra oružjem, odnosno proširenjem liste oružja koje se ne smatra oružjem, a sve u cilju izbjegavanja eventualnih nedoumica prilikom primjene

predmetnog zakona, kao i radi otklanjanja nedostataka koji su uočeni prilikom same primjene ovog zakona.

- U praksi se pokazalo da određene uslove za izdavanje odobrenja za nabavku oružja treba jasnije i preciznije definisati, kao i propisati još neke dodatne uslove. Stoga, izmjene i dopune predložene u članu 8. u cilju jasnog i preciznog definisanja uslova prvenstveno se ogleda u stavu (2) tačka d) navedenog člana, gdje su taksativno navedeni prekršaji koji u sebi sadrže elemente nasilja i upotrebu oružja, što za lica koja su ih eventualno počinila predstavlja pravnu smetnju da se udovolji u njihovom zahtjevu odnosno ostvarivanju prava na daljnje držanje i nošenje oružja. Također, jasno i precizno definisanje uslova predstavlja i tačka e) koja je iz člana 11. zakona koji se mijenja prebačena u član 8. radi preglednosti, odnosno propisivanja općih i posebnih uslova za nabavljanje oružja i municije jednim članom. Navedenim izmjenama i dopunama propisani su dodatni uslovi za dobijanje odobrenja i to uslov koji se odnosi na smještaj i čuvanje oružja za koji će podnosilac zahtjeva garantovati ovjerenom izjavom, a što će nadležna policijska stanica u svakom slučaju moći provjeriti kontrolom i nadzorom. U pogledu obuke koju podnosioci zahtjeva moraju proći u streljačkim organizacijama, ovim izmjenama i dopunama predviđeno je da navedenu obuku u budućnosti obavlja Ministarstvo unutrašnjih poslova, odnosno njegova komisija, iz razloga što se u praksi pokazalo da streljački klubovi nisu kvalitetno vršili navedenu obuku, gdje je često dolazilo i do zloupotreba u izdavanju potvrda o izvršenoj obuci. Predviđenim izmjenama i dopunama bi se izbjegle zloupotrebe a pored toga bi se kvalitetnije vršila obuka.

- Izmjene predložene u članovima 9., 9a., 9b. i 9c. se odnose na postupak utvrđivanja uslova propisanih u članu 8. ovog zakona. Naime, navedenim izmjenama i dopunama je decidnije propisan postupak utvrđivanja uslova koje podnosioci zahtjeva moraju ispuniti da bi dobili odobrenje za nabavku oružja. Također, precizirano je koja lica nisu obavezna pohađati obuku s ciljem sticanja tehničkog znanja i vještine za pravilno rukovanje oružjem i poznavanja propisa koji se odnose na držanje i nošenje oružja. Pored toga poseban akcenat je dat na utvrđivanje uslova zdravstvene sposobnosti podnosioca zahtjeva jer se u praksi pokazalo da je kod ovog uslova dolazilo do čestih nejasnoća obzirom da u zakonu nije bilo propisano koje zdravstvene ustanove su ovlaštene izdavati uvjerenja o ljekarskoj sposobnosti, rok njihove važnosti, odnosno koje činjenice takva ljekarska uvjerenja moraju sadržavati. Izmjenom u članu 9b. propisano je da će Ministarstvo zdravstva ZE-DO kantona utvrditi listu ovlaštenih zdravstvenih ustanova koja mogu izdavati ljekarska uvjerenja za nabavljanje i nošenje oružja i municije. Pored toga propisano je da policijski službenici, službenici sudske policije, pripadnici straže kazneno-popravnih ustanova, zaposlenici obavještajno-sigurnosne agencije BiH i pripadnici oružanih snaga se oslobađaju od polaganja ispita o tehničkom znanju za pravilno rukovanje oružjem i poznavanja propisa za vrijeme aktivne vojne ili policijske službe ili nakon odlaska u penziju a što dokazuju potvrdom o zaposlenju ili potvrdom o odlasku u penziju zbog ispunjavanja uslova za penziju. Na ovaj način omogućeno je navedenim licima da dok su u stalnom radnom odnosu i da nakon odlaska u penziju budu oslobođeni polaganja navedenog ispita jer smatramo da su ta lica kroz službu naučila rukovati oružjem obzirom da su dužili službeno oružje kojim su svakodnevno rukovali.

- U članu 10. predložene izmjene i dopune prije svega idu ka cilju jasnijeg tumačenja pojedinih odredbi i pojmova a koje se pojavljuju u postupku izdavanja odobrenja za

nabavku oružja fizičkom licu. Dosadašnje odredbe bile su nepotpune i ostavljale su prostora za dvosmisleno tumačenje. Prije svega, misli se na lica koja nabavljaju lovačko oružje po osnovu zaštite imovine u ličnoj svojini, gdje je regulisano da to moraju biti lica koja su registrovana kao poljoprivrednici. Također, odredba koja se odnosi na nabavku dijelova za oružje precizirana je u pogledu provjere uslova iz člana 8. stav (2) i (3) zakona za lica koja nabavljaju te dijelove.

- Izmjene predložene u članu 11. obuhvataju pravna lica koja mogu izvršiti nabavku oružja čija djelatnost je vezana za posjedovanje oružja, kao i uslove koje moraju ispunjavati da bi im se izdalo odobrenje za nabavku vatrenog oružja. Ovim izmjenama razdvojena su pravna od fizičkih lica, kao i uslovi koje moraju ispunjavati. Jasno su određena lica koja mogu nabaviti oružje i pod kojim uslovima. Prilikom regulisanja pravnih lica kojima se može izdati odobrenje, vodilo se računa o propisima koji ne poseban način regulišu njihovu djelatnost (upravljanje i gazdovanje šumama, korištenje lovišta, agencije za zaštitu ljudi i imovine, itd.).

- Radi preglednosti i jednostavnosti tumačenja, nabavka municije koju je sadržavao član 10. u zakonu koji se mijenja, propisana je novim članom 11a. zakona. Novina u ovom zakonu je izmjena i dopuna koja se odnosi na rok od jedne godine, kojom se propisuje da podnosilac u tom roku može samo jedanput podnijeti zahtjev za nabavku municije i to u precizno određenoj količini, a sve u cilju kontrole nabavke i kretanja municije. Također, predložena je dopuna koja se odnosi na municiju oružja kategorije C i D koje se može nabaviti na osnovu potvrde o prijavi.

- U članu 12. zakona izmjene i dopune se vrše radi usaglašavanja teksta zakona sa naprijed izvršenim izmjenama i dopunama.

- Izmjena člana 13. zakona rezultat je naprijed izvršenih izmjena i dopuna, a to znači da su norme koje se odnose na žalbu u postupku izdavanja odobrenja za nabavku oružja pravnom i fizičkom licu propisane jednim članom.

- Članovi 14. i 15. zakona mijenjaju se radi detaljnijeg i preciznijeg propisivanja uslova nabavljanja, skupljanja i držanja trofejnog i starog oružja i postupka nadležne policijske stanice u vezi sa ovim oružjem.

- Rezultat kategorizacije oružja su i odredbe člana 16. zakona, gdje se regulište obaveza prijavljivanja nabavljenog oružja kategorije C i D nadležnoj policijskoj stanici od strane pravnih i fizičkih lica, koje se nabavlja bez odobrenja i za koje nadležna policijska stanica izdaje potvrdu o prijavi.

- Izmjena člana 18. zakona vrši se radi usklađivanja sa ostalim izmijenjenim i dopunjenim odredbama zakona. Naime, utvrđena su prava i obaveze pravnih lica prilikom podnošenja zahtjeva za držanje nabavljenog oružja. Također, navedena su pravna lica koja mogu podnijeti zahtjev za nabavku i držanje oružja ali samo ako obavljaju svoju djelatnost i ako su organizovani u skladu sa važećim zakonima koji regulišu njihovu djelatnost.

- Izmjene člana 22. zakona su rezultat usklađivanja navedenih odredbi sa naprijed formulisanom kategorizacijom oružja.

- Izmjene u članu 23. ovog zakona preciziraju uslove pod kojima se može pravnom i fizičkom licu eventualno oduzeti odobrenje za nabavku oružja i nabavljeno oružje, kao i propisivanje prava na žalbu na rješenje.

- Izmjene i dopune u članu 28. zakona vrše se radi usklađivanja sa ostalim tekstom zakona i regulisanja upotrebe vazdušnog oružja i oružja s tetivom za lica koja nisu članovi streljačkih organizacija.
- U članu 32. zakona propisane su izmjene i dopune kojim se precizira način postupanja sa oružjem kada vlasnik isto ne želi više imati u svom posjedu. Naime, u zakonu koji se mijenja određeno je da to može učiniti samo pravno lice ali ne i fizičko, što je ovom dopunom i propisano. Također, izvršena je izmjene tako da nadležna policijska stanica ima pravo i obavezu preuzeti oružje od lovačkih i streljačkih organizacija koje su prestale sa radom a ne Kantonalni streljački savez, obzirom da takav savez u Zeničko-dobojskom kantonu ne postoji.
- Izmjene u članu 37. prilagođene su prethodnim izmjenama i dopunama.
- Izmjene i dopune u članu 39. propisane su u cilju jednostavnog i zakonitog rješavanja praktičnih situacija, kada vlasnik oružja bespravno drži i nosi oružje koje je nekada legalno držao i nosio, a prethodno mu je oduzeto rješenjem koje je postalo izvršno. Dopunjene odredbe u članu 39. stav (3) i (4) rezultat su specifičnosti u primjeni odredbi važećeg zakona, a koje se odnose na jasnije i primjerenije rješavanje upravnih stvari konkretno na izvršavanje rješenja o oduzimanju oružja i municije.
- Izmjene u članu 40. su neophodne kako bi se izbjegle nedoumice u pogledu prometa oružja i municije na malo, odnosno nabavke i prodaje vatrenog oružja i municije između pravnih lica i obrtničkih radnji, kojim je precizirano da moraju pribaviti odobrenje za nabavku oružja od strane nadležne policijske stanice, te odobrenje u pogledu ispunjenosti uslova za bavljenje tom djelatnošću. Dosadašnjim odredbama zakona nije bilo jasno definisan promet oružja i municije na malo između pravnih lica i obrtničkih radnji niti je bilo propisano izdavanje odobrenja za nabavljanje oružja između ovih trgovaca oružjem a što su drugi propisi predviđali. Ovim odredbama vrši se i usaglašavanje zakona sa Zakonom o kontroli kretanja oružja i vojne opreme.
- Izmjene u članu 42. uzrokovane su kategorizacijom oružja i usklađivanjem sa cjelokupnim tekstom zakona.
- Izmjene u članu 45. se odnose na obavezu pravnih lica i obrtničkih radnji za traženje saglasnosti od nadležne policijske stanice prije početka obavljanja djelatnosti, a radi utvrđivanja ispunjenosti uslova u pogledu prostora, smještaja i čuvanja oružja kao i lica koja bi bila zaposlena u pravnom licu i obrtničkim radnjama koje se bave djelatnošću popravljnja i prepravljnja oružja.
- Izmjene i dopune u članu 49. se vrše radi preciziranja uslova i načina privremenog oduzimanja oružja i isprava o oružju u slučaju pokretanja upravnog, prekršajnog ili krivičnog postupka.
- U članovima 54., 55. i 56. predložene izmjene i dopune uglavnom su rezultat potrebe usklađivanja kaznenih odredbi sa izmjenama i dopunama sadržanih u prethodnim odredbama zakona.
- Izmjene i dopune u članu 58. su rezultat usklađivanja cjelokupnog teksta zakona nastalih naprijed navedenim izmjenama i dopunama.
- Izmjene predložene članom 59. se odnose na produženje roka za zamjenu oružnog lista lica koja neće uspjeti izvršiti zamjenu do 31.12.2012.god. Navedeni rok već je produžavan

za dvije godine ali se zbog velikog broja registrovanog oružja i zakonom propisane procedure za zamjenu oružnog lista predlaže produženje za još jednu godinu kako bi se građanima dala još jedna prilika da izvrše zamjenu oružnog lista te da stoga ne bi podliježali posljedicama oduzimanja oružja.

- U prelaznoj i završnoj odredbi sadržanoj u članu 32. izmjena i dopuna zakona predviđen je prelazni period za pravna lica i obrtnike koje se bave djelatnostima vezanim za oružje da usklade svoje poslovanje sa odredbama ovog zakona, kao i obaveza Ministarstva zdravstva ZE-DO kantona da utvrdi listu ovlaštenih zdravstvenih ustanova koja mogu izdavati ljekarska uvjerenja za nabavljanje i nošenje oružja i municije.

- Sve ostale predložene izmjene i dopune koje nisu obuhvaćene ovim obrazloženjem su takvog karaktera da ih nije potrebno posebno obrazlagati, a u svakom slučaju su proizašle kao rezultat njihovog usklađivanja sa izmjenama i dopunama sadržanih u naprijed predloženim odredbama zakona.

IV – FINANSIJSKA SREDSTVA

Premetne izmjene i dopune Zakona o nabavljanju, držanju i nošenju oružja i municije Zeničko-dobojskog kantona ne iziskuju dodatna finansijska sredstva u budžetu Zeničko-dobojskog kantona.

MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA

M I N I S T A R
Rifat Delić